

SAOPĆENJE ZA JAVNOST

Potaknuti dešavanjima u našoj državi posljednjih godina, želimo po ko zna koji put ukazati na nezadovoljstvo koje je prisutno među svim kategorijama stanovništva, a ponajviše među redovima naših poljoprivrednih proizvođača. Ovakva i slična saopćenja upućivali smo nekoliko puta i nažalost ovo je bio jedini način da dodemo do djelimičnog ostvarenja naših prava. Ovaj put smo odlučni da žustrije pristupimo rješavanju naših problema i potraživanja koja između ostalog zahtijevaju hitnu isplatu poticaja za mlijeko za 3 (treći) i 4 (četvrti) kvartal 2017 god, te hitno usvajanje plana i programa poticaja za tekuću 2018. godinu. Podsjećamo vladu Federacije sa svim njenim vladajućim strukturama da je proljeće na pragu, a s njim i predstojeća proljetna sjetva koja iziskuje dodatna sredstva za ulaganje, kojih proizvođači nažalost nemaju, obzirom da je posljednja isplata poticaja bila u 6-tom (šestom) mjesecu protekle godine, dok se uveliko dugovanja gomilaju i prvi kvartal se privodi kraju za tekuću godinu. Pozivamo odgovorne, u prvim redovima stranke SDA i HDZ, koji su najvećim dijelom doprinjeli ovoj bezizlaznoj situaciji u poljoprivredi, da ne ostvaruju svoje lične interese preko leđa poljoprivrednika i da podnesu ostavke, ako ne iz drugih, onda iz moralnih razloga.

Obzirom da vlada Federacije Bosne i Hercegovine nijemo šuti dok se na prostorima naše države iz dana u dan vrši Aristocid, istrebljuju najinteligentniji i najtalentovaniji odlazeći u treće zemlje, dok demobilisani borci koji su zaslužni za naše živote i slobodu, svoja prava traže na ulicama, a sve ovo zbog bezobzirnog i licemjernog odnosa vladajuće strukture prema njenim građanima koji su ih izabrali, a preko čijih leđa oni ubiru enormne paušale i honorare. Ovim putem želimo podsjetiti premijera Vlade FBiH, kao i ostale odgovorne predstavnike vlasti, da je Poljoprivreda grana privrede koja još "koliko-toliko" funkcioniše u ovoj finansijski nestabilnoj državi i samim tim puni budžete od kojih najveću korist imaju upravo predstavnici vlasti. Znajući, da Vam naši vapaji ne znače mnogo, ukoliko ne dode do realizacije naših potraživanja u roku od 7 dana, prinuđeni smo da i ovaj put izađemo na ulice svih kantona i izvršimo blokadu graničnih prelaza.

Kako nismo jedina nezadovoljna kategorija stanovništva, pozivamo i ostale nezadovoljne građane da nam se pridruže, ponajprije demobilisane borce, da tražimo i na ovaj način ostvarimo naša prava. Molimo ostalo građanstvo za razumjevanje, kojima ćemo ograničiti ili na bilo koji način ugroziti kretanje putnim pravcima gdje planiramo blokadu, te iste molimo da u narednom periodu prate sredstva javnog informisanja kako bih bili upoznati s tačnim datumom održavanja protesta.



Predsjednik UPMM USK-a

Ermin Veladžić